

三原縣志卷之十九

知縣事豐山張象魏編輯

軼事

房喬撰晉書語類世說瑣細必錄矧軍國所係翠華所臨與夫名臣儒之名道德事功散見錯出在人齒類者者

侯鯖狐腋麗土則書作軼事志第二十四

周桓王六年秦寧公三年徙居平陽遺丘伐蕩社三年與

亳戰亳王奔戎遂滅蕩社史記秦本紀詳建置

顯王五年秦敗三晉之師于石門通鑑綱目

秦獻公二十一年與晉戰于石門斬首六萬史記秦本紀堯門

三原縣志 卷之十九 軼事 一

山俗名石門在雍州三原縣西北括地志按趙世家作石

阿與秦紀異

漢周繆以舍人從高祖起沛至霸上西入蜀漢還定三秦

賜食邑池陽史記本傳師古曰即馮翊池陽縣漢書注

武帝建元三年微行始出北至池陽漢書東方朔傳

晉穆帝永和九年秦苻健皇始三年冬十月丞相雄與清河王法

及左衛將軍飛分討孔特等十一月雄克池陽斬孔特

十六國 春秋

孝文帝太元九年秦建元二十年六年秦主堅步騎二萬討姚萇

於北地曹魏文帝僑置於北地次于趙氏塢即今趙氏河與

馮翊游欽聚衆數千保據潁陽今富平書前秦載記

安帝元興十二年秦主姚泓永和元年六月赫連勃勃遣兄子提南

侵池陽車騎姚裕前將軍彭白狼建義虵元却之晉書後秦

記載按勃勃都寧夏據榆林在原邑正北故曰南侵

周韋孝寬拒破齊神武文帝嘉孝寬功進爵建忠郡公周書

本傳獨狐信子陀以信勲封建忠縣伯邑五百戶周書獨狐信傳

按周無建忠縣其云縣伯者爵之次第也

唐武德五年十二月丙辰校獵於華池之萬壽原白鹿現

帝親御弧矢射而護之獲冊府元龜庚申至自萬壽原唐書高祖本紀

按宋敏求長安志永康陵在三原縣豐原萬壽鄉則萬

三原縣志 卷之十九 軼事 二

壽原即豐原也

武德八年十一月癸丑獵於華池北原十二月癸酉至自

華池唐書高祖本紀

貞觀十三年正月乙巳拜獻陵丁未至自獻陵唐書太宗本紀

開元十七年十一月巳亥拜獻陵唐書元宗本紀

興元元年三月李懷光奪李建徽陽惠元等軍屯好時今乾

州然其下稍攜貳朱泚憚之至是遂欲臣懷光光懷

怒告絕益不安乃引丘掠涇陽三原富平遂如河中唐書

李懷光傳

元和十年十一月戊寅盜焚獻陵舊唐書憲宗本紀

會昌二年十一月帝幸涇陽校獵白鹿原

舊唐書武宗本紀

中和四年宦者曹知愨有胆略黃巢陷長安知愨集壯士據差峩山數遣人變服夜入長安斫賊營賊驚疑不自

安通鑑綱目

乾寧二年七月指揮使王行實李繼鵬反上幸李筠營上護

蹕都頭李居實帥眾繼至或傳王行瑜李茂貞欲自來

迎車駕上懼為所迫以筠居實兩都丘自衛幸石門鎮

通鑑綱目辛亥車駕還宮舊唐書昭宗本紀

史儼唐乾寧中從討王

行瑜儼率百騎護駕石門冊府元龜

天復二年正月朱全忠屯三原通鑑二月戊寅上以久駐丘

三原縣志

卷之十九

軼事

三

車於三原乃議東歸遂取道高陵櫟陽左馮翊入於蒲

津編遺錄

秋八月李周彝以鄜坊丘救岐屯於三原懷英

擊走之五代史康懷英傳

唐高祖崩太宗詔營獻陵在京北兆府三原縣唐朱里及朱

氏篡立即唐朱之驗矣後唐莊宗中興乃知里者李也

是再造之徵洛中紀異錄

宋太祖開寶三年九月詔西京唐高祖德武諸帝陵嘗被

盜發者有司備法服常服各一襲具棺槨重葬所在長

吏致祭宋太祖本紀

嘉靖二十五年八月套虜三萬餘人入寇越延安府至於

三原涇陽殺掠人畜無筭世法錄

崇正四年二月宜君賊起和尚等犯涇陽三原紀事本末

八年二月癸未賊入秦中約六七萬西安諸縣並遭蹂

躪紀事本末

十年正月李自成同過天星蝸子寇子三原官軍不敢

出相持值孫傳庭統曹變蛟至連戰七日賊敗蝸子塊

降自成與過天星奔秦州後鑒錄按孫氏家乘及西安總

督題名記皆作傳庭今俗本俱作傳庭誤

十一年二月李自成屯汧陽為曹變蛟左良玉戰敗乃

夜走武功咸陽至三原又分丘徃西番族帳中掠馬延綏

三原縣志

卷之十九

軼事

四

鎮志

十六年冬十月李自成陷西安以西安府為長安榜掠

巨室助餉紀事本末邑中縉紳拘囚死者甚多諸生考案列

一二等者檄令受職不為所汙者鮮矣惟楊大魁抗志

不屈大魁字五雲好學能詩

吉茂為布衣時有清名於三輔三國志常林傳註

吉茂常林沐並時苗四人為清介傳魏略

吉翰監豫州梁郡諸軍事時有死罪囚典籤意欲活之因

翰入闕齋呈事翰省訖語令且去明日可更呈明旦典

籤不敢復入呼之乃來取昨所呈事視訖謂曰卿意當

欲宥此囚死命昨于齋坐見其事亦有心活之但此囚罪重不可全貸既欲加恩卿便當代任其罪因命收典籤殺之原此囚生命

南史本傳

李靖姿貌魁秀通書史其舅韓擒虎每與論丘輒嘆曰可與語孫吳者非斯人尚誰哉吐谷渾寇邊以爲西海道行軍大總管高甌生軍後期靖薄責之既歸而憾與廣州長史唐奉義告靖謀反有司按驗無壯甌生等以誣罔論靖乃闔門自守賓客親戚一謝遣卒年九十

唐書本傳

衛公李靖始困於貧賤因過華山廟訴於神且請告以官立所至辭色抗厲觀者異之佇立良久乃去出廟門百

三原縣志

卷之十九

軼事

五

許步聞後有大聲曰李僕射好去顧不見人後竟至端

揆

隋唐佳話

自貞觀以來討擊突厥頡利及薛延陀高麗等太宗嘗曰李靖李勣二人古之名將韓白衛霍豈能及也

唐書李勣傳

始帝命靖教侯君集兵法既而奏靖且反兵之隱微不以示臣帝以讓靖靖曰方中原無事臣之所教足以制四夷而求盡臣術此君集欲反耳靖常語人曰君集其有異慮乎後果如其言

唐書侯君集傳

王珪方元齡李靖温彦博戴胄魏徵同輔政帝以珪善人物且知言自謂孰與諸子賢對曰兼資文武出將入相

臣不如靖

唐書王珪傳

頡利屬部薛延陀自稱可汗於是詔李世勣出通漠道李靖出定襄道柴紹出金河道任城王道宗出大同道衛孝節出恒安道薛萬淑出暢武道凡六總管師十餘萬皆受靖節度

唐書頡利傳

貞觀八年樸射李靖以疾辭位詔疾少瘳三兩日至中書門下平章平章之名蓋始於此

唐書百官志

靖閤門稱疾畏遠權逼功大而主不疑古哲人何以當茲世言靖精風角鳥占雲稜孤虛之術而善用兵是不然人特以臨機果料敵明根於忠智而已

唐書二李傳贊

三原縣志

卷之十九

軼事

六

英衛受天勇智雄武佐聖鼓行海內麾定四方此則太公之鷹揚也

呂溫功臣頌序

按李勣封英國公

杜棠與靖川處士馬尚賓為友棠在雲南日靖川處士卒棠思之不置求有能招魂者招之至與話舊詠詩而別故鄉人稱棠與靖川為生死交云

谿田通志

王端毅恕歷仕四十五年凡上三千餘疏皆忠直剴切蓋憂世之志如范希文濟世之才如司馬君實直諫如汲長孺惠愛如鄭子產

劉昌懸笥瑣探

王端毅之事功楊榭山之節義呂涇野之理學李空同之文章足稱國朝關中四絕

馮少墟池陽語錄

端毅爲諸生軀幹偉大貌豐而見骨微鬚音如洪鐘巡按御史過博士卒弟子員迓於郊御史於衆中獨偉視公深結納去再過不見公詢之以下第黜於學使者御史嘆曰有司不明乃至此乎亟請復之後撫蘇民愛如父事如神病者伺公出爭爲肩輿至擁不得行云可愈病至今蘇人言有明一代賢中丞唯公與周忱海瑞三人而已錢牧齋記公在南京時物物印市每晚一蒼頭持椀市油張燈具無二僕也仙居王純以直諫比汲黯黃省曾謂仁愛如子產茅鹿門評廬陵論葬荆王劄子曰本朝惟三原王公可及公素不與邱瓊山相能瓊山謂

三原縣志

卷之十九

軼事

七

其子承裕曰霍光傳乃翁須熟讀對曰家君不爲章句學一生惟忠孝二字認得真瓊山色沮著書甚多亦工

詩見王阮亭池北偶談

九畹文集

端毅之戡亂也在廣平則平吳廣華在荆襄則殲劉千斤石和尚蔣虎力在雲南則伐羅雄而奠蠻服在湖州則撫定饑民之亂於山西則誅妖賊王良而宥其脅從其全活隨在不下數萬餘人至於用兵謀略皆懸合饑宜雖良將不過在留都時如錢福不與科舉之列一經品題則名魁天下

谿田通志

王公初知揚州折獄咸得其情有老婦嘗誣隣人爲盜公

閱其賦有二裙一寬而長一短而窄老婦謂其子婦之
裙隣人謂其嫂與妻之裙公詰老婦曰爾一人之裙詎
宜有長短廣狹不同耶遂明其非盜有二人爭牛公給
之曰一牛兩爭吾將焉歸盍以入官命左右曳出之其
一人默然一人喧譁不已公以與爭者曰此已物也故
恹惜如此人稱神明漫抄 瑯琊

王公撫兩浙致政朝廷命馳驛還鄉公每至驛旁先命夫
人與家衆投宿民居然後單騎赴驛一切餽遺不受中閑

古今

王德初關中盛傳朝議欲起三原王公秦左史汝南強景

三原縣志

卷之十九

軼事

八

明晟上詩云八十耆翁一品官歸來清節雪霜裹寒雖然
海內歸心在可奈君前下拜難鷗鷺恐疑威鳳起風雲
長護老龍蟠三公事業三槐傳留取完名久遠看王公
得詩大悅夫大臣去就出處上係社稷安危下係士林
瞻表故薦得數輩才賢乃可弛乾坤之負擔養得百年
名節方能傲風月之全身讀書 鏡

取公裕再入吏部上疏曰臣明敏不如尹旻公直不如王

恕人以是多之

玉堂 叢語

王端毅之在銓也其猶麟鳳乎于忠肅之在樞也其猶蛟
龍乎麟鳳天下知其端蛟龍天下望而思其澤

王弇州 四部稿

王端毅遺事凡四十則公子康敏公所述夏日京邸偶得一編讀之因錄一二則以自警公謝政後有一通家子在官寄茶一萸公受之後復寄二萸亦受之但答書云令先君爲時名臣吾子宜清白律已勿替家聲何勞爲老夫之故數數寄贈吾受之心甚不安此後勿再寄寄亦不受矣 公門人蔡虛齋發志錄一條云公嘗問今學者滿天下何故異才難得予對云是固有由上之人所以養之者本未盡其道下之人又幸際時之昇平而售之急耳以生所見言之如生稍知章句訓詁人便舉而進之於學宮矣未幾作經義甫成篇便得補廩又未

三原縣志

卷之十九

軼事

九

幾作三場文字便期中舉人中進士矣一中進士則官已到手或無暇於學或自以爲無用學矣其仕而能學者無幾蓋識見既淺踐履必薄規爲必粗非所謂俟其熟而食之者也况自幼入小學所學多非學做人之實事人才之不如古以此公曰然吾兒子承裕今年二十三丙午年已中舉人然吾未裕其急於仕且今靜覽羣書間閱世務冀他日得實用耳承裕即康敏公仕至戶部尚書

池北偶談

按承裕謚康僖此云康敏意僖字阮亭

家諱也

三原王承裕七歲作屋隙詩曰風來桌上響月到枕邊明

見聞錄

王康僖廣額豐頤鼻如截筍貌丰而澤體厚居常端嚴若神然温乎可親又栗然而不可狎也性篤孝能悅親養志故端毅愛之特甚又善事諸兄誨諸子姓以道通田

三原王康僖公講學其父端毅公督之康僖之門人為馬谿田當其時家庭之間藹若洙泗師弟之際不愧伊洛此吾鄉前輩所以為盛馮少墟疑思錄

關學大槩宗薛氏文清三原又其別派也其門下多以氣節著風士之厚而又加之學問者端毅王石渠先生恕光祿馬谿田先生理康僖王平川先生承裕為三原之學

三原縣志

卷之十九

軼事

十

黃黎洲學案

谿田執禮如橫渠其論學歸準于程朱然亦時與諸儒異同其言蓋各有見云喬世寧撰墓碑

谿田與呂仲木以理學著至于博物強記考究天人性命之奧旁及六書五禽星緯之數有叩即鳴則首推公來復

撰行略

谿田調文選司主事本部尚書萬公鏜與公議論不合公言居官不能盡道不如回家萬云相逢盡道休官去林下何曾見一人公次日即土本告歸萬深愧之以故加厚公頻頻寄書問遺

古絳趙桐撰行狀

嘉端三十四年冬十二月十二日亥時谿田馬公卒是時全陝地震山城傾圮覆屋折水土民壓死者以數萬計遠近震驚謂斯文之喪有關氣運雖人百其身莫可贖也先時九月初公有疾謝客武進薛應旂適在陝闡撤棘視師鄜延過公里第公強起延見且輿疾送於郭門設席拜別屬爲身後之文旂謂余未去陝公方寿考何以有此公日子遂忘吾寄浙之言乎

薛提學
浙江

值明夷之

象爲火地之占宜再玩之遂拜旂甚疑焉詎謂不幾月

而訃主

薛應旂
撰墓志

康熙三十五年督學陸公德元按試原邑移文表章先賢

三原縣志

卷之十九

軼事

十一

以式後學謂王端毅公恕馬谿田公理一則經綸不朽一則道德可師捐俸二十金修葺祠墓

溫恭毅抵家與里中高年爲耆英會築學一草堂與後學子弟講明聖學施惠里閭立義田百畝定四禮式著雅

約以化邑俗

前志

溫公見清病涉^河乃謀諸前令獲嘉高公高公倡其端緒河通州蔡公猗氏張公相繼經營而今姑蘇沈公則底厥成績工始于萬歷十九年九月訖于三十一年十二月蓋閱十二年也僧福登以巧思構墓僧性經等爲之募化資用遠近聞溫公之意欣然捐資溫公又以縉紳問

遺之資佐之喬因龍橋記直指李北原公祖先後發贖銀千

餘金諸上臺施助有差高父母壹意成橋因橋左遷妙

上人苦行圓通巧侔班倕轉運機殼匪夷所思里中義

耆三十餘人或捐貲以修繕或捨宅以布施遂成永遠

之業溫自知補葺石梁臆說

關中士人獨循循守先儒之說不敢倍嘉靖中高陵呂柟三

原馬理為經生領袖顧炎武富平李君墓志銘

來陽伯少受學尊人望之先生時輒穎悟讀書過日無遺

十行俱下自制義經書外即博覽子史名集學古文文辭

蓋望之嗜古成癖教之勤勵鼓琴繪事咸令究心其課

三原縣志 卷之十九 軼事 十二

為最嚴然陽伯丙夜侍父讀竟已輒走西剎學簫管琵琶

瑟箜篌吳歛又益之刀劍鎗棒白搏諸枝靡弗精已因

原配多病問醫峩下王道明初聽之若有會既悟王所

窺淺因取內難諸醫籍諸輒大解金陵人徐鎔者良醫

也為役裊王中丞療疾過穫陽伯留之齋頭悉其精蘊

遂益以醫著陽伯自擬於簫當天下第一彈琵琶得其

妙解後棄去圍碁亦能品真行草書登晉唐堂奧積名

畫自張僧繇至沈啟南之屬幾百千軸其染翰於諸家

俱臨摹品兼能逸然俱無暇作歲不一二簞大幅益不

暇也溫自知撰行略

予昔在廣陵多布衣交甲辰內遷諸詩老送別禪智寺豹
人有句云欲問忘情老何名共命禽難言無所住齊有
淚沾襟又孫豹人卓犖負奇氣一日遊焦山中流遇風
賦詩云風起中流浪打般秦人失色海雲邊也知賦命

原窮薄尚欲西歸太華眠

漁洋詩話

孫豹人僑居揚州高不見之節予訪之先以詩云隼獲奇
人孫豹人新詩雅健出風塵王宏不見陶潛節端木寧
知原憲貧遂爲莫逆交

居易錄

孫豹人老詩人也以年老授官放還山初得正字賦詩云
一官如籠鶴萬里本浮鷗獻賦曾非晏童年况異劉山山

三原縣志

卷之十九

軼事

十三

人今上路小婦免登樓臨水看蝌蚪惟添錯字愁

池北偶談

豹人秦之焦穫人甲申李自成作亂孫子結同里惡少年
數十人殺賊天陰月黑失足墮土坑中追者垂及屬有
天幸得不死後脫身走廣陵學小賈則已傾廣陵諸中
賈稍學中賈則又傾廣陵諸大賈孫子學中賈之三年
三致千金諸大賈日以肥肉大酒啖孫子孫子益飲啖
自若旦日出揚州北郭門而鳴箏跼屣之相隨屬者踵
相接也一日忽自悔且恨丈夫處世既不能舞馬稍言
取金印如斗大則當讀數十萬卷書耳何至齷齪學富
家為於是閉戶日讀書間為詩而自曼聲以歌孫子既

歌詩而家漸落詩益工歌益甚而家乃益大落人或咎
孫子孫子益行歌不輟也曰爾曹何為者

陳維崧
溉堂集序

枝蔚少為諸生遭流寇與其鄉少年奮戈逐賊落深塹得

不死乃走江都從賈人遊累致千金散之既而閉戶讀

書肆力詩古文名滿海內

揚州府志

偶看鐘繇帖因憶亡友韓聖秋姬人某氏好臨摹晉唐人

法帖獨廢繇書韓詰所以對曰秀漢正統關侯忠義而

斥以賊帥狂悖甚矣書雖工抑何足道韓有詩記其事

云誰知太傅千年後敗闕端從戎路開

易居錄

請祛異端疏

張原

三原縣志

卷之十九

軼事

十四

臣惟孔子之道載諸六經治天下者卒必由之由之則治
違之則亂無之則亡未聞以佛老也佛老之教以清淨無
為為本苦空寂寞為宗今陛下為天地百神及天下民物
主萬幾叢委萬物攸賴顧可清淨無為為邪抑苦空寂寞
為耶獻說陛下者或稱其導引之術或盛為福利之說陛
下一時不察遂以為真有益而悞信之殊不知其事已嘗
歷試於漢唐宋之君徃徃無益祇以自欺甚或又害焉明
效大驗昭然可老陛下何不據徃迹而省觀之乃復崇信
之深如此也今星辰失度雨暘愆期風霾亘旬江湖湧溢
盜賊充斥死亡載道彼佛老者不能副陛下崇敬之誠為

陛下禦災捍患福國庇民以佐成泰和之治則彼無靈神而不足信也陛下亦可以考矣各官好事及漢經厰番經厰西天經厰並靈濟宮顯靈宮諸處日逐俱要供結齋飯供養等物俱經光祿司造辦所費至為眾多其一切支用內府帑庫錢糧以為襯施賞賜者當又不止於此夫內府帑庫錢糧儲之本為軍國之用見今各邊鎮軍士缺少月糧有司徃徃告乏各處地方盜賊旱澇百姓在在告饑陛下一切吝而不與而乃為襯施賞賜此等頂所浪費臣亦未見其可也祖宗設師傅保之官而處之禁密之地師導之教訓傳傳之德義保保其身體乃其職也今楊廷和少

三原縣志

卷之十九

軼事

十五

師也蔣冕少傅也毛紀費宏少保也皆陛下師臣也彼聞人言或及於陛下顧未得密勿論道之義乃至登言章奏之間計亦不得已矣觀其旁引曲譬析事論理委曲詳盡激烈剴切蓋實情迫於中責切於身所以盡忠陛下也所以求舉其職陛下漫然應之曰知道了詞雖婉也而意實乖言若親而旨則離略不見有改悟之意而許之施行此臣之所以不能不駭且疑也前日因災異陛下兩勅中外文武羣臣同加修省天語丁寧至再至三迄今齋醮之設抑又日益而月盛焉是陛下已自食言而所令反其所好矣其何以責中外羣臣祇承德意而欲其著實舉行政

務耶伏望陛下清心窒欲以立天下之本稽古正學以建四方之極端其嗜好勿爲小人之所偵知謹其習尚勿爲異端之所搖惑上畏天戒下恤民窮速將所建佛像盡行撤毀內外齋醮俱各停止凡誦習佛老之人勒令散歸原舊各該衙門萬幾之暇惟當專一孔子之道涉覽大學及古君臣事迹則聖心開悟宏益實大固不必服氅衣誦真言以從事所謂異端之教也

京師三原會館碑記

秦之英武陟令

余早未入京時已聞溫恭毅置有邑會館比抵京則見巍峩宏敞其於以為大邑之館足稱也堂當有四中一堂以奉

三原縣志

卷之十九

軼事

十六

邑先喆端毅王公谿田馬公而下六君子焉凡以諸君子勲業爛焉其精爽必不至遽散佚也亦以令後之君子不致於無所型範 亟則效之也餘庭及廂吾邑人得錯居而雜處或以談藝業或以通燕好或以話情愫即偶違鄉井乎猶然町疇景慨也公之加惠吾邑人者意良殷矣他如建橋修學宮創尊經閣皆邑人所稔知也若其三朝建樹宏績偉伐則有太史氏在余小子未易輕贅矣萬歷三十四年

按馬逢臯三原會館記溫先生為御史大夫時建關中會館宏敞壯麗甲天下環以居民主以京職法備貲饒

按時修理已覆加惠原人建三原會館來者便之劉曰
俊館中小言亦云吾邑會館創自溫恭毅意甚遠也今
初置會館契券猶藏恭毅元孫祿綬家中確不可誣前
志於選舉馬尊德名下載置三原會館於都城誤也

池陽三先生詠

本朝

許蓀荃 提學

王端毅公

嗚呼端毅公崛起盛明時致主懷曠古許身必臯夔險夷
豈一途中外未所之晚節位臺鼎休休為襟期同升太平
業不植桃李私吾道光宅俊大臣諒如斯伊周前烈在韓
范大名垂俯仰若符契千秋有餘思

三原縣志

卷之十九

軼事

十七

馬忠憲公

曾讀先哲傳夙欽我公名薄涉至荀里高山空復情憶公
孝廉日外裔咸聞聲訝其不早仕階望胎簪鳴銓村拔幽
滯水鏡稱最平時危邀南幸受杖苦力爭及夫大難息奉
母事躬耕講堂構峩大義宣諸生朝鮮暨入秦呂馬皆
國楨倫叙有弁冕謂宜加殊榮東還乞其集跨海為法程
卓哉儀表著何忝薛文清

溫恭毅公

公昔童子試受裁郢匠斤

李滄溟

哀然敦經術絕學責我身

明理孚衆譽踐形探其真峩峩南宮選筮仕東海濱威懷

洞所宜治績垂貞珉屢署皆上考蒙恩拔諫臣昌言抒中
愨直道亦已伸撫浙約六章微風為還淳萬里宸聽徹專
官繪圖新再領御史臺神烏誰能馴抗疏方電激天顏一
回春是時虛少海婚冠復逡巡公首倡大義聖慈原多仁
竟無撓鱗志實諒公忠勤晚執易退節優游清渭津講堂
集俊碩著論窮天人溫溫古風儀展卷書我紳泰山不可
見仰止增酸辛

三原縣志

卷之十九

軼事

十八